



DA COR ENGRAZIEIN

Igl ei bi da sesentir purtaus dalla cuminonza cu ins sto prender cumiau d'in carstgaun che steva ad ins aschi datier sco miu carezau fegl, nies car frar ed aug

Claudio K.A. Jägler

14 da matg 1965 – 10 fenadur 2011

Nus engraziein da cor a tuts parents, vischins ed enconuschents per ils numerus mussaments da condolientscha, per las visetas, ils buns plaids e las gestas che han dau a nus confiert en quels grevs dis sco era per las numerosas cartas, las bellezia flurs e donaziuns. Tut quei ha fatg bein e levgau e nus engraziein fetg.

In special engraziament sauda a pader Vigeli Monn per il bi riug da bara e ses plaids consolonts, al chor per il bi cant funeral ed in engrazia alla organista. Sincer engraziament era a Reto, Leo, Silvio e Benno per purtar nies car Claudio al davos ruaus sco era a nossa calustra Ursula per sias breigias en connex cun la sepultura. Speciala menziun mereta l'annada 65 per adina haver patertgau vid il Claudio, seigi quei cun las invitaziuns allas fiastas dall'annada, cun ina ni l'autra viseta ed il davos cun prender part alla sepultura e purtar las bialas flurs sur fossa. In cordial engraziament era als dus miedis da casa dr. Walter Huober da Cazis e dr. Marcus Huonder per lur nunstunclenteivel sustegn medicinal ed a dr. Thomas Lechman per sia assistenza ils davos dis.

In grond engraziel fetg exprimin nus a pader Silvio Deragisch per la devoziun da cumiau a Scharans ed a tuts che han priu part a quella. Ell'instituziun Scalottas a Scharans ha nies car Claudio viviu ina gronda part da sia veta. Il grondius sustegn, la capientsha e pazienzia, mo era la carezia ch'el ha retschiert en quella instituziun han fatg ch'el saveva sesentir leu sco da casa. In grond Dieus paghi per tut quei engaschi.

E nus lein secapescha era engraziar a tut quels che han fatg dil bien a nies carezau Claudio e quei ein biars, gie fetg biars en tut quels onns. Ei duvrava buca bia auter ch'in tec attenziun, in sempel salid, in pèr plaids ni ina embratschada. Sco segn d'engrazieivladad regalava el lu magari in fegl ni in crap, sempels schenghetgs, denton da quels che vegnevan da cor.

Il Claudio ei morts duront ina dimora da vacanzas cheu a Sedrun. Malgrad tutta dolur eisi stau ina gronda grazia d'astgar accumpignar e prender cumiau dad el cheu a casa. Vischins ed enconuschents han levgiau a nus quei viadi. La dumengia, ils 10 da fenadur ha nies car Claudio fatg il davos tschancun da quei viadi, quei tschancun che mintgin sto far persuls. Ses fastitgs restan denton en nos cors. El era e resta nies car sulegl.

Nies car ei staus en bia graus auters ch'ils auters. Nus essan engrazieivels d'haver astgau ir cun el a pèr in toc tras la veta. Sias fleivlezias han fatg ferms nus. El ha schau crescher en nus ina profunda carezia e mussau che carezia damogna tut.

Sedrun, settember 2011

La famiglia en malencurada
Tia mumma Maria Louisa
Tias soras cun famiglias, Dolores e Manuel,
Nicola e Tarcisi cun Livio e Romina